

مراغه‌نین نجوم مرکزی پیشرفته تلسکوپلارا موجهز اولور

مراغه‌نین اختر فیزیک و نجوم تحقیقاتی مرکزی‌نین رئیسی بو مرکزین پیشرفته تلسکوپلار و آیری رصد ابزارینا موجهز اولماسیندان خبر وئردی.

فارسین مراغه‌دن وئردیگی خبره گؤره، مراغه‌نین آماتور مونجیملری بو شهرین اختر فیزیک و نجوم تحقیقاتی مرکزینده حاضر اولوب ایکی تلسکوپونان زؤهره سیاره‌سی‌نین گون قاباغیندان کئچمه‌سینی تاماشا ائله‌دیلر. مراغه‌ده زؤهره‌نین گون قاباغیندان کئچمه‌سی سحر ساعت 6-دا باشلادی و 21:22-جن ایدامه‌سی واریدی. مراغه‌نین اختر فیزیک و نجوم تحقیقاتی مرکزی‌نین رئیسی بو مرکزین اولدوزلار، گون توتولما، آی توتولما و گونش قاباغیندان سیاره‌لرین کئچمه‌سینی رصد ائدن تلسکوپلارا موجهز اولماسیندان خبر وئردی. علی عجبشیرازه دئدی: رصد اوچون بو مرکز 12 اینچلیق بیر تلسکوپ اوچ میلارد بئش یوزمین تومنه آلینیب. او آرتیردی: زؤهره سیاره‌سی‌نین گون قاباغیندان کئچمه‌سی 105 ایل سونرا یعنی میلادی 2117 ایلینده اولاجاق.